

Hom.


1118

40: Hom: 1118

**Passio oder das leiden unsers
herzen Ihesu Christi: ge-
prediget durch Doctor:
Martin Luther**

**Auch ain Sermon vber
das Euangelium Luce an dem 18.
Von dem Gleychner
vnd Zölner.**

Wittenberg.





Bayerische
Staatsbibliothek
München

Der Passio oder das leiden

unsers herren Ihesu Christi/geprediget
durch Doctor Martini Luther
zu Wittenberg.

Das Abentessen ist nun hyngericht. Nun wollen wir
sehen den eingang inn den Passion. Christus da das
Abentessen geschehen was/ gieng er mit seynen Jün-
gern in ain feld das haysse Getsamini/ wie er dan pflegt/ da lag
ain gart vnder dem berg Oliveti/ da gieng er ein. vnnnd hieß die
Jünger nider sitzen. Vnd nam mit im Johannem Petrum vñ
Jacobū. Vnder dem gieng ain weyl Judas in der statt vmb/
vnd richtet seyn sach auß/ vnd bracht knecht zusamen/ Denn er
maint es mischt etwan vmb Christū (wie den pflegt) vil volcks
sein. Vnd es was das regiment zu Hierusalem in drey ordnung
gefaßt. Das erst hette die obersten priester/ wie man yezund die
gayßlichen neit/ das möchten Thumherren sein. Darnach das
ander regemēt hette die obersten vnder dem volck/ die ratsherrn
Darnach warē die zwen gewalt/ vnder des Pilati hand/ d was
von Römern dar gesetzt/ die hielten nu vil Raysigs zeüßs vnd
knecht/ die da wartetē wa sich etwas erheben wolt. Die gewalt
erwegt dieweil Judas/ also dz er vffbracht der dreyer oberherren
volck/ der gayßlichen/ weltlichen vnd haydnischen oder Römischen.
Da das Christus mocht/ da hüb er an zu trawren vnd za-
gen/ vnd sagt zu den jüngern. Setzt euch nider vnd betten/ das
ir nit kompt in versuchung. Vnd gieng ain wenig von in vnd
bettet. Vatter kan es geschehen so gee der Kelch von mir/ doch
nit wie ich will. sonder wie du wilt. Darnach gieng er hyn vñ
saw die Junger schlaffen vnd sprach zu Petro. Petre magst du
nit ain stund mit mir wachen? Der gayst ist berayt / aber das
flaysch ist schwach. Zum anderen gieng er aber hyn vnd sprach
das selbig gebett. Vatter kans dan nit anders sein/ den ich muß
in trincken/ so geschech dein göttlicher will. Da kam er aber ain
mal/ vnd saw sy schlaffen/ dan jr augen waren beschwert. Da

verlyeß er sy aber ain mal/vñ gieng zum dritten hyn vnd sprach
aber ain mal das selbig gebett/vñ schwißet blütigen schwayß
Darnach keret er sich wider zů seynen Jüngeren vnd fand sy zů
dem dritten mal schlaffen/ vnd sagt. Ja nu schlaffe/secht yetz
und nahet sich herzů der mich verattet/steet auff vnd laßt vns
entgegen gon. **N**u wollen wir sehen was das sey das der
Ewangelist sagt/er hab angefangen zů trawien vnd zů sagen:
Secht/da myest jr Chrißtum hie ain seyn pur lautter menschē
(wie wir seind alle/ wenn das er on sünd gewesen ist) bleyben
lassen. Darumb hatt er auch hie in des todes engsten so getraw
ret vnd sagt. **N**u wie die angst hie gewesen ist/ das können wir
nicht sagen/ Wenn wir ain wenig versucht hetten/ vnd in des
todts nöthen gestanden/ so möchten wir etwas darvon wissen
Die angst aber ist ee ainer stirbt/ain stund oder vier vor dem todt
wenn ainer den todt vor augen sieht/ sieht dem todt in die freß
hienein/ sieht das der todt seinen rachen auffsperrt/ vñnd auff
in zůfallen will. **D**a geet dan ain sollich nott vnd angst an/ain
sollich zagen vnd trawien/ das es im durch alle sein glydmaß
geet/durch leyb vnd leben/durch marck vñ all gebayn/das kein
glydmaß ist/sy ist auffß grōß betrüebt. Gleych wie man ainen
yetzund auffrieren soll/ das er seinen todt vor seynen augen sieht
dem ist also angst vnd wee/vnd weñ aller der welt lust da were/
so künd man im nit ain tröpflein frewd machē. Secht die angst
vnd trawien hat hie Chrißtus auch gehapt/ vnd vil harter dan
sy ettwan ain mensch versucht hat/ dann das ist im vorbehal
ten/das er nit wan synnig worden ist/ sein vernunft ist in im
lautter/klar vnd rayn blyben vñ ye clerer die vernunft den todt
ansicht/ye schōßlicher er ist/ye meer angst er auch macht. Aber
ain tayl menschen werden doll vnd vn synnig/ die fülen nicht
so hart. Das hat nu Chrißtus gelitten/ nicht das im von nöthen
was/ sonder vnserhalbē. Gott hatt in zů der liebe geordnet/
das todes sterben vnd engsten hetten wir verdienet/ das sollten
wir leyden. **N**u hatt es vnser gott für vnns gelitten vnd in sich
gewendt/auff das der todt/die angst/krafft vñ macht loß würd
vnd also vns syeß zů überwinden/so wir in in glauben. Darüb

obs mir auch ainem anstoßten wurde/ so leer man hye wie man
 soll geschickt sein/ das weiß der todt auff vns beglündt zu fallen
 vnd zu engsten/ das wir gedenden das gott sein leyb vnd blüt
 für vns gesetzt hab/ vnd als sein sterben für vns geschehen laß
 sen vnd vmb todes nöthen vberwindung/ auff das wie sy vnns
 auch würden anstoßen/ das wir auff in sehen können vnd an
 in hangen im glauben So überwinden wir sy auch/ wie wol
 ichs halt das kein haylig ye so schwer gelittet hab als Christus.
 Dann wir lesen von vil hailigen/ als nemlich von sant Stef
 fan. die entschlaffen habet vber irem todt. Noch dannoch das
 man des gewyßens spil/ So ist besser man beraye sich darauff.
 Zum anderen kumpt des tods zwang/ die seynd noch vil her
 ber gewesen. Wenn yezund ainen der todt angreyffe vnd mite
 im ringet/ das sehen wir wol an denen die da sterben/ wie sy sich
 winden vñ krümmen/ aber dannoch nit alle. Die hat hie Chri
 stus auch auff aller herbest gehapt/ vnd ist ain vnaussprech
 liche peyn/ vil weniger dem ders nit versucht hatt. Darumb ist
 ain sollich ringen/ das yezund der mensch/ yezund der tod oben
 leyet/ vnd dringt in/ wie er in ainem augenblick in abgrund der
 hell sincken muß/ wie in der Teuffel/ todt/ hell auff ain mal ver
 schlicken wöll/ das ainem alle manhait da entpelle/ das hertz
 zerschmilzt vnd fließt ganz dahyn/ wie wachs an der sonnen
 das im durch marck vnd bayn düngt/ vnd die bayn als waych
 macht als das flaysch ist. Das hatt der König Ezechias auch
 versucht vnd schreibt also Esaie. 3. Quasi leo contriuit omnia
 ossa mea. Wie ain lew hatt er mir alle meyne bayn zertrüschet.
 Vnd des haben wir ain Exempel von ainem vogt auff dem
 Schneberg geschehen/ der wolt sich auch etwas höhers dunck
 en dann der gemain man/ vnd wolt ain solliche grosse hostien
 entpfahen wie der Pfaff/ da strafft in gott vor dem altar seiner
 hoffart halben/ vnd thett sich die erd auff vnd wolt in da ver
 schlinden/ da daucht in wile die hell/ tod vnd alles auff sich sehe
 fallen/ vnd solt yezund darein sincken/ da fiel er zu vnd wolt sich
 an den Altar halten vor engsten/ vnd schlug die hand in ain
 flayn/ das man noch heütt beytage alle singer sieht. Da sieht

man wie aym zu müet muß seyn / das im auch sein flayßch vor
 engsten zu bayn wirt. Vnd das hat Christus am aller herbsten
 empfunden/dann er ist allezeit bey seyner raynen vernunft be-
 lyben/ also auch das er da blütigen schwayß hat von im gelas-
 sen/vnd also durch göeliche macht enthalten worden/sunst hett
 ers nit vberwinden können. Nun aber das ringe den todt hatt
 der herr hye allain vberwunden vnd loß gemacht/ vns zu nutz/
 er hats nitt bedörfft. Das muß man in allen stücken wol merck
 en/das was er gelitten hatt/das es vnns geschehen sey zu nutz/
 vnd der leychnam des leydens sey für vnns zu ainem schilde ge-
 setzt/ das wir lernen auff gott trawen vnd glauben/ vnd geend
 in den todt mit freuden in gott so muß er auch vberwunden
 werde in vns. Vñ daher geend nu die sprich Pauli/wer an got
 glaubt der hat das leben im todt/ die gerechtigkeit in der sünd
 in der hell die seligkeit vnd erlösung. Darumb spricht er. Tode/
 wa ist dein stachel? Vnd fiert den Propheten ein. Ich will ai-
 nen wind lassen außgeen/der soll dem todt also sein aderen ver-
 bouren/das sy verseihen myessen/ vnd den todt verschlinden in
 der vberwindtnuß / auff das allen die an im hangen / soll der
 todt ain vberwindtnuß sein. Der wind ist der haylig gayst/in
 dess macht Christus den todt vberwunden hat/dann ir myes-
 sen hye Christum ainen puren menschen bleyben lassen / auff
 den der todt/hell. sünd/ mit iren machten gefallen seind. Aber
 Christus durch göeliche hilff vnd tugent hat er sy vberwunden
 vnd der kampff ist weyt der gröst gewesen. dann weder gayßel
 noch krönen/ noch Creutz hat in machen blüt schwinzel/wie der
 kampff/ dann hindennach am leyb ist er leicht gestorben/ aber
 da am gayst hatt er angst gehapt / das er in hatt vberwinden
 myessen. Dise gayßlich fülung sehe(halt ich) nyemande/dann
 die verdampfen weñ sich leyb vñ seel gescheiden hat. Darumb
 leet man hie im glauben brauchen den Passon/das wir do nit
 werden auff yrgent ain ding beston mögen / sonder die augen
 bloß zu thün/vnd auff den vberwinder sehen Christum/an den
 frey hangen/so wirdt der todt in vns verschlunden.

Solgt nu wie er seynen feynden begegnet ist / vnnnd fortan
kommen in das leylich leyden. Vnd das mag man taylor in
drey stuck. Zum ersten ins gaysslich im garten. Zum anderen
ins leylich. Das dritt ist gemenge/ das ist die schmach vñ spot
den er hatt leyden myessen/ halb gaysslich/ vnnnd halb leylich.
We wir dahyn kōmen/ myessen wir ain wenig von dem brauch
sagen. Darumb haben auch die Ewangelisten wenig wort dar
ym brauch/ das sy wol wüßten/ weñ man sy nitt in brauch sie
ren würd/ das man nymmer gnüg darvon sagen künd. Vnd dz
wir nit ainen eingang machen/ wōllen wir gegenainander hal
ten den alten vnd newen Adam/ wie Paulus sagt/ Das der alt
Adam ain figur sey des newen Adams. Das der alt vergift hat
mit seiner sünd alles was von im kumpt/ der new hab selig ge
macht vnd gehayliget durch den gayst alls was von im kumpt.
Also hatt er umbkert das er im befolhen hatt. Iss nit von dem
baum/ Sünde nit/ auff dz du nit sterbest durch die sünd/ das er
von straff wegen des todes nit sünden solt/ wirt hye Adam ge
botten. Aber Adam laufft hyndurch vnnnd kumpt in den todt/
dem hat nu Christus herauß gehorffen/ gleych wie auff ain ans
dere weyß kumpt vnd sagt/ Seyb das du nicht sündigest/ vnd
nicht. Sündige nicht das du nit sterbest. Tu wir steen yetz
im todt dinnen/ wenn wir nun herauß wōllen / so myessen wir
sterben. Adam wolt sich nitt abschrecken lassen durch die straff.
Tu kumpt got vnd sagt. Wolan so nym die straff an/ so wirst
du rayn. Also der todt der vorhyn ain straff der sünd was/ der ist
yetzund ain argeney der sünd. Also hie ist er gebenedeyt/ das ge
schichte nu wenn wir willig sterben. Wenn wir nit willig ster
ben so kommen wir nicht auß der straff/ vnd myessen hynden/
nach ewig sterben/ also hat gott den fall umbkert. Tu so seind
wir so arm ellend kinder/ das wir nicht können willig sterben/
man kan nitt so vil geben dem freyen willen das er gern sterbe
ja der frey will fleucht vor dem todt. Darumb geet es mit eytzel
sterben vnnnd ermorden zu / das wir der sünd loß werden. Aber
das ist das beste des sterbens/ das sich der will daretin geb. Dañ
der leyb ist bald gestorben so sich der gayst daretin ergeben hat.

Darumb das nu die natur so schwach ist/ So hatt vnns Gott
ain eingesezt der vns soll an der spizen geen/ vnd die hell vnd
sünd austreyben / das alle die hernach geen nicht sterben kün-
nen. Tu wenn die natur sagt/ O wee es ist schwer/ So spricht
Christus/ Tritt her auff meine füßstapffen vnd gee sein herna-
her/ So sterben wir dann willig/ so muß die sünd dann sterben
vnd der todt in vnserem todt. Also ist gott vnser / das man in
für ain bild annem. Tu wa der nicht ist / da muß verderbung
sein/da hilfft nichts dafür/Dann die natur geet nit gern hin
an. Ob gleich die knecht ganz mannlich dem schwert vnd
büchssen entgegen lauffen/das ist allain ain verstockhait/weñ
sy aber nu getroffen sein / das sich leyb vnd seel schayden muß/
so kumpt es wol anders.Darumb muß man halten den gelayes
mann vnd spiglierer/der spricht. Her/tritt auff mein füßstapf-
fen vnd sich auff mich/vnd wa ich bleyb/da bleyb du auch/so
kommen wir denn hindurch.Den glayzman muß man haben
Darumb muß man am ersten das bild haben / das gibt ainen
mit vnd macht manhait/das wir frisch hinan gon/noch ist es
dannoch schwewelich. Darumb über das bild haben wir auch
ain verhayßung/ Das wir so wir im nach geen. werden auch
müßen im hezen ain manhait vnd ain krafft/dann er ist so
manhafftig bynan gangen des gaysts halben. Den gayst ver-
hayßt er vns auch zugeben / der macht vnns auch manhafftig/
ob wir gleich den gayst so völliig nit empfahen.Darüber haben
wir noch ainen trost in dem leyden/ das Christus auch hie zap-
plet/dañ wenn er nit zapplen hett sehen lassen/so hett vns das
schwach gemacht/das wir dechten im leyden. O wie dapffer
geet der an todt/ wie bin ich so schwach/ Ach ich kan im nicht
nachfolgen. So sagt er/sich ich will mich so tyeff nider werffen
vnd zapplen/es soll mir vil wirser thon dann dir. mitten in den
engsten will ich am stickestesten seyn vnd vberwinden / Dar-
umb so stee vest auff mich/vnd in engsten sollen auch vberwin-
den das ist rechte gebraucht den Passion. Also sollen wir auff
den tod gerüst sein vnd nyendert anderstwo hilff erwarten den
von Gott. Also sagt Paulus. Wir seyen nichts anners dann

schlachtschaff/die man heüt oder morgen tödt. Also muß es zu
geen wie Christus selber sagt/wile du mir nachfolgen/ so nym
dein Creutz auff dich/ wo aber nitt/so bistu mein nitt wertdig.
Also gieng es vorzeyten zu/da die brault noch jung was/da
würgt man ainen tag zwanzig den anderen dreißig/ yetzt
ist sy alt worden vnd hat ringel gewonnen. Es muß ganz wit
der new werden vnd in Christum kömen. das man eer/gut vnd
alles in die schantz schlahe. Also soll man nu brauchē das bild.
Das wir inn aller ansechtung Christi bild ansehen/das in die
augen schlagen/vnd dem frey nach gon/ daß Christus geet hin
durch wie wee es im thut/vnd wirdt müttig. So myessen wir
bitten/Er wöll vnns auch den müt vnd gayst geben/vnd müs
gen also auch lernen in der blödigkait starck werden/vnd mit
ten in den weetagen vberwinden. Also kumpt Christus in vns
nit allain wie ain bild/sonder er pflantz allen seynen müt in
vns/das wirs auch leiden künne. Darumb es kum was da wöll
wie groß schand es wöll/so sech man das Christus vnser hertzog
auch die sehe/vnd manhafftig vberwind/das wir auch bitten
vmb manhait/mitten in den dingen starck zu werden/vnd hin
durch zu kömen. Also trege vns Paulus in alle Epistelen Chri
stum für. Zum ersten zu ainem bild dem man nach folgen soll/
darnach das er vns geb den gayst vnd müt den er hab/vnd das
ist die rechte Christliche leer. Aber wen man lernet/man soll et
was gütes thā vñ Christum verlassen/ das ist versierisch. Das
sey nun dauon/das man lerne wie man den Passion brauchen
soll/vnd das in niemant erforsche er sey daß etwann in nöthen
gewesen/vnd hab sich geyebt mit Christo/das ers gelitten hab
vnd durch gangen sey/vnd also durch in empfangen hindurch
zugeen. Also muß man hinein kömen vñnd in brauchen. Es ist
nit genögsam in die oren gefast allain/der sawr tary muß hin
ein geknetten sein. Das ist nu das Adam gesagt ist/sündig nit/
das du nit sterbst. Aber vns wirt gesagt/ stirb/das du der sünd
abkommest.

Der Fall Petri.

¶ Der soll Petri gefelle mit ser wol. dann er was der fürnemest vnder den Apostelen / darumb hat er auch am harteften gefal-
 len. das er lernet fortan sein freinlich mit den gewissen umb-
 geen/dann es ist nichts zartters vnd waychers auff erden dann
 ain gut gewissen. fürnemlich weñ es noch jung ist/vnd erst ent-
 pfangen ist. Darumb myessen die Apostelen vnd regenten an
 dem aller ersten fallen/das sy wissen das sy narren vnnnd sünd-
 er seind/das sy sein sanfft mit dem gewissen umbgeen/vnd sich
 hin beraytent vnd lassen mit füessen auff in hingon/dan die
 armen seelen haben zů vberwinden vnd worden augen ston hell
 todt vñ sünd/ also das sy ser schwach seind. Darumb muß man
 sy wol laycten vnd recht sieren vnd wayden wie zartte schefflin
 Aber nu sehen wir / das die Bischöff mit den armen gewissen
 umbgeend wie sy eyttel eyssen vnd adamant weren/ vnd faren
 her vnd dringen vnd zwingen sy/ vñ wöllen allain stechen/pla-
 gen vnd bannen greulich / das gehört allain den hencfern zů/
 vnd das schadt allain den armen schwachen gewyssen/die har-
 ten verstockten achtens nit vil. Noch geend sy her mit gekrönte
 kappen/ man soll sy anbetten/ binden die armen gewissen mit
 jren gefangen/so sy doch leyb vnd leben da für solken setzen/ alle
 schwache gewissen auff sich laden/vnd die stercken / vnnnd sein
 leyß zum glauben sieren. Das hat sant Peter auch hindennach
 gehon/denn er wüß sein gebrechen vß dem sal/ vnd er hat ain
 Epistel gemacht die im herten schmeckt ainem schwachen ge-
 wissen

De regno Christi.

¶ Christus sage hie den spruch Joānis. 18. Mein reich ist nit
 von diser welt. Item wer da ist auß der warhait der hört mein
 stym. Da sagt er wa sein reich stee vnd wa es nit stee. Nemblich
 allain im herten. Darüb die Papisten die in eüsserlicher zierde
 vnd gebert regieren/die seind nit ain har sein statthalter. Dann
 er sagt/Mein reich stee nit in diser welt/ vnd das ist war/das
 das Euangelii kan man nit fassen/weder in laste noch schöl-
 ser/es laßt sich nit layden noch zieren/ sonder es stat im hertze.

Wer auß der warhait ist/der ist reich. Also steet es in gayssliche
dingen allain/nit in außwendigē. Christus reich ist ain reich der
warhait. Wiltu wissen was sein harnasch/schlösser vnd Stee
seind/nicht/ Sonder allain der glaub/der die warhait ist/das
man allain an got hang/daryn steet das reich vnd die seligkeit
im außwendigen reich nit dann das ist allain ain larnen vnd
faßnache spil/vñ nichts rechtes/wiewol die in gotes reich seind
die myessen dannocht eüsserlich leben in essen vnd in trincken/
vnd der welle genyessen/ aber messigklich/innwendig steet das
recht reich. Aber der Papst hat es herauß zogen in das eüsserlich
regiment in essen vnd trincken. So man also thut dem grienem
holz/das da billich grüne solt/ wie will es zügen mit dem die-
ren vnd verdampfen.

Der drit rail Passio mixta.

En geet die schand hie an/vermischt mit dem gaysslichen
vnd leyphlichen leyden. Vnd das seind die vier hauptleyden das
er muß hie hangen an dem Creutz mit den ergeßten sündettern
En da er hieng da ward er zñ ainem rechten Psaffen. Da ist vn-
ser püester/opffer vnd altar/das wir im nachfolgen/ vñnd den
alten Adam außwendig vñ ynwendig Creutzigen mit Christo
Secht da/ was wolt nun der frey will können? Gott der muß
hie seynen aynigen sun für vns opffern/ der muß vnns hie die
sünd/tod vnd hell vberwinden/ auff das alle die an in hangen
kñmen zñ hayl vnd hilff durch das gebett das do hie geschicht.
Da laß man gott den rechten püester sein/ der da opffer vñ die
sünd weg nem/ vnd daher leren die gerechtigkeit.

Iheli Ibeli lama sabatani.

Darnach Ihel heli in allen dreyen leyden hat er gar nit troß
gehept weder außwändig noch ynwendig/ ynwendig hat er zap-
plet/ außwändig gelit. Darnach in d schwachait hat yedermā

gespot wer da künde hat. **H**er gedenc an mich wenn du kumpst
in dein reich. Fürwar fürwar du wirst bey mir sein in dem gar-
ten. Da braucht aber Christus das Prießterlich ampt / nympt
die schlüssel / vnd absoluiert den von sünden. Das ist alles vnns
zu trost geschehen. Das ist das hie Christus so bloß stirbt / das
auch die mütter nicht da bleybt / dann es ganz verlassen müß
sein mit ainē Christen menschen / alles müß es abgezogen sein
Es ist nu alles vollbracht / das opffer ist da / da ist die sünd / heil
tode vnd alles zumal vberwunden. Darüb folgt. Vatter in dein
hend besich ich dir meinen gayß. Da haben wir nu vnns er-
ben lang an zu lernen / das wir alle stuch für vns bilden / vnd al-
so nachfolgen. Et tenebre facte sunt in vniuersam terram. Da
ward ain newe welt / da kam got vnd wolt den sun wider auff-
rüffen.

Fürwar das ist gottes Sun.

Warlich das ist gottes sun. Da geet das Christlich wes-
ßen wider an / da leyte nu am maysten an / das müßtu
wol brauchen. Den fürwitz aber den etlich sü-
chen / den hab ich lassen faren. Tu wöllen
wir got anreyffen. das wir sein leyden
also mügen fassen das wir dar-
durch mügen vberwinden
tode / heil vñ teuffel
Amen / das ge-
schehe also.



Am Aylften Sonnentag nach
dem Achten der Pfingsten
Das Euangelium Lu
ce. xviij. von dem
gleichner und
zölner.

DA haben wir aber ain mal
ain bild vnd Exempel Göttelichs gerichtes vber die
hayligen vnd frommen/vnd stößt vns für zwä person. Eine die
da rechte grund güte ist vnd güte from. Vnd aine die da heiliche/
lische from ist. Aber ee wir zñ dem exempel greiffen vnd hand-
len die schreckliche vitayl / so myessen wir vorhyn hie aufhes-
ben das sanct Lucas aber ain mal klingen laßt/als kum die ge-
rechtigkeit durch die werck. Dañ das pflegt Lucas am maysten
zuthun/vnd halle darumb / das zñ der selbigen zeyt/wie dann
vergund auch geschicht da man prediget/ das allain der glaub
selig macht/sich die leüt dahin brachen/ vnd wolten allain ge-
lauben/vnd die krafft vñ frucht des glaubens nachlassen. Das
thut auch Johannes in seiner Epistel/vnd Jacobus. Damit
sy anjaygen/das der glaub on die werck nit bestehen kan. Vnd
also sagt Lucas sonen her in seinem Prologo. Ich sih wol das
vil geprediget haben/ wie allain der glaub selig mach/damit
haben sy gemacht/ das allain die leüt hinsierben vñnd wöllen
ain gedächten glauben annehmen. Darumb muß ich dannoche
auch von wercken predigen/ durch wöllliche sy sren glauben ge-
wyß machen können vnd beweyßen. Darumb klinge nu allent
halben im Luca also es kum die gerechtigkeit durch die werck/
wie jr dan gehört hapt. Vergebt so wirt euch widerumb vergeß

bung / mache euch freunde von dem ungerechten Mammon/
vnd hie auch/ als het der zoller durch sein gebett vñ buß schla-
hen erworben die frumkeit. Vnd lasse sich gleich diß Ewange-
lium also ansehen / als sollten wir durch werck frum werden.
Nu hapt jr gehört/das der mensch vor allen dingen ee er etwas
gütes thye/so muß er frum sein. Dañ das besteet allzeyt/ain gütes
ter baum kan nit böß fruchte tragen. Vnd widerumb/ain bößer
baum kan nit güt fruchte machen ic. Also muß der mensch vor/
hyn auch frum sein/soll er etwas gütes thün. Also auch hie sage
er sich/er hab an sein buß geschlagen/da sey das vitayl kom-
men/ er sey frum gewesen. Das ist darumb geschehen oder ge-
schriben/das wir die augen auffheben/vñ nit die leet rich-
ten nach den wercken. Darumb myest jr hie denen ins hertz hin
ein sehen / vñ nit nach den wercken richten. Dann wenn das
hertz frum ist/so ist es alles frum. Dann wenn ich hie den zoller
nach den wercken richten will / so ist es bald falsch / Dann es
scheyndt gar nichts an im dann sünd. Item/wen ich den gleyß-
ner hie auch nach den wercken richten will/so ist es auch gefe-
dann er steet an der hayligen stadt/ thut das best gebett das da
ist. Kleinlich lobt/ danckt got daher mit hohen wercken. Item
geet auch daher in niderichen leiplichen wercken/fasset/gibet sei-
nen zynß/bescheidiget nyemandt. Summa summarū/es gleyße
alles an im / was da ist außwendig vñ ynwendig. Also wie er
nu richt/so richten alle menschen dann man kan nit verwerf-
fen ain sollich erbar tugenthafftig leben. Wer wolt sagen das
fasten nit güt wer Gott loben/ ainem yeglichen geben das
man schuldig ist? Wenn ich ainen pfaffen / Munn / oder
Münich ansich/die halte ich für frum. Nun soll ich ain vitayl
fellen/dz der böß sey/der frum so muß ich inen beyden ins hertz
sehen. Da kan ich nun nit hinein kommen dañ durch die werck
wie Christus sage. Auß den fruchten solt jr sy erkennen. So spüch
nun vom zoller/das er muß vorhyn gehöret haben von Gott ain
wort/das ist im zu hertzen gangen. das hat er glaubt/vñ ist al-
so frum worden/ wie Paulus sage. Der glaub kumpt auß dem
wort. Wen das wort ins hertz fallet/da wüdt der mensch rayn

von vnd from. Nun hie zaygt der Ewangelist nitt an/das er
 das Ewangeliū gehöret hab/er zaygt aber an/das ers anderst
 wa gehöret hab. Es sey nun gleich geschehen wa es wöll/dañ er
 sagt/Gott sey mir genedig/das zñ erkennen/vermag kein ver-
 nunfft nit. Darumb muß im vorhñ kundt gewesen sein in seyn
 nem hertzen/das gott genedig/barmhertzig vñnd frentlich sey
 allen den/die jr sünd erkennen/in anryessen/vnd genad begeret/
 vnd muß ye gehöret haben/das got von natur genedig sey/allen
 den die sich demüetigen. vnd iren trost auff in stöllen/das muß
 er ye gehöret haben auß dem Ewangeliō. Darumb ist der an-
 fang der frömbait nitt an vns/sonder an gottes wort. Gott der
 muß zum ersten sein wort erschallen lassen in vnser hertz/dar-
 durch wir lernen gott erkennen/vñ in in glauben/vnd darnach
 gütte werck thun. Darumb muß man hierauß klauen/das der
 zoller gottes wort gehöret hab. Wa nit/so ist/das diß Ewangeli
 gefelt hab. Es scheynt wol hie nit. Dann sanct Lucas dñget
 harter auff die eüsserlichen werck vnd anzaygung/dañ auff den
 glauben/ vnd klinget vil mer auff das eüsserlich wesen vnd wan-
 del/dañ auff das ewangeliū vnd glanbē ynwendig. Noch dan
 nocht muß man darauß ziehen/das er zñvor das ewangeliū ge-
 höret hab. Das schließ nu inainand den phariseier vñ den zoller
 der hat nu das ewangeliū/das macht dz er an die brust schlechte
 Das brust schlagen vñ beyche wer sunst nit gescheht/wa er nite
 het vor den glanbē im hertze gehapt. Dz ist auch die rechte frucht
 dan sy treybt gottes eer. Dan got will nichts haben dan dz opf-
 fer des lobs/wie der Psal. sagt. Ich will im zaygen den weg des
 hayls/ vñ er soll mir opfferē das opffer des lobs. Auff dem weg
 geet dz zoller hie auch/gibt got dz opfer des lobs/vñ im die sünd
 schilt sich vñ preysst got. mache sich zñ schandē/vñ setz die war-
 hait vber sich. Darüb müssen wir dz werck preysen vñ lobē/dañ
 er gibt got die eer/den rechtē gots dienst/dañ also klinget einher
 Bis genedig mir armē sünd. als wolt er sagē/ich bin ain bñb, dz
 bekē ich/wie du auch sagst. Da secht jr/er bekē die warhait
 vñ will vñ got gesch. mecht sein. ja er thut es selbs/würfft sich
 auff dz aller tyeffst hinunder/vñ steygt widerüb enbor an got.

Gibt Gott die eer/das er sey gütig/ barmhertzig/ aber an im
 sey nichts dann alle sund. Also seind das die rechten frucht des
 glaubts. Also haben wir erkannt auß der frucht den glauben des
 Hotters. Nu wie wollen wir dann erkennen das Christus sage/
 Der ist gerechtigtet haim gangen/ so er doch vorhin gerecht
 ist gewesen durch den glauben/ eer an die brust schlecht? Nu
 er muß ja vorhin gerecht gewesen sein. Wie sage dan Christus
 hye? Nu ist es das/das ich oft gesagt hab. Ist der glaub rechte
 geschaffen/so bricht erheraus vnd bringe frucht. Ist der baum
 grün vnd güt/so ist kein auffhören er schlecht auß vnd bringe
 frucht vnd bletter/die natur gibts/ich darff im nicht gebietten/
 Christus baum/trag offel. Dan wenn der baum gemacht ist/so
 folgen die frucht ungehaysen. Ist der glaub da/so myessen die
 werck folgen. Erkenn ich das ich ain sündler bin/so muß folgen
 das ich sag/Ach got ich bin ain büß/der acht es nit/redt frey da
 hin/ ob er gleych vor allen leutten zu schanden würdt/ wie der
 Psalm sagt/ Credidi propter quod locutus sum. Ich hab ge-
 glaubt darumb hab ich auch bekant/ deinen namen gebreyß
 Jegund sehe ich/ das ich zu dümmer geen muß/dann ich bin
 ain büß/es sey dan sach das ich glaub/ vnd an gottes barmher-
 zigkeit hang/das ich den Reich des haylands nem/ vnd ryeff
 gottes gnad an. Also würfft sich der glaub nu hynab vñ bricht
 herauß/vnd würdt also gewiß durch die werck. Wenn das ge-
 schicht so wirt er mir erkannt vnd den leutten/wenn ich also her
 brich schon ich weder menschen noch teuffel/würff mich hins
 under/will von keinem hohen ding wissen/ halt mich für den
 ärmsten sündler der auff erdboden ist. Das macht gewiß meine
 glaub/ das ist das er sagt. Der ist gerecht abgestrigen. Also gebe
 man dem glauben die seligkeit als ainem hauptman/den wer
 den als den zettigen. Die machen ainen so gewiß das ers greyst
 auß dem eüsserlich wandel/das der glaub sey recht geschehen.
 Das haben wir auch im Abraham/da er seinen sun offeret da
 sagt got. Nu erkenn ich/das du mich fürchtest. Ja hett er got
 nit gefürchtet so hett er nicht seinen sun geopfert. Aber dardurch
 erkannt er/das die forcht grundt güt was. Das laßt vns nu wol

gesagt sein. Das ist nu das sant Lucas vnd sant Peter so vil vß
 wercken sagen/ das man nittehyt gee/ in ich will nu glauben/
 vnd mach in also ainen gedachten won/der allain auff dem
 herten schweb/wie ain schaum auff dem bier. Das hayße ain
 gedichter glaub. Nayn/ nayn/der glaub ist ain lebendig wesse/
 lich ding/ das macht den mensche ganz new/ wandelt in den
 müt/ vnd keret in ganz vnd gar vmb. Er geet in den grundt/
 vnd wirt ain vernewerung des ganzen menschen. Also wenn
 ich vorhyt ainen sinder gesehen hab/ so syhe ich yetzund an sey
 nen aderen wandel/am anderen wesen/am anderen leben/ das
 er glaubt. Also ain hoch ding ist es vmb den glauben. Vnd al
 so hatt der haylig gayst treybe lassen auff die werck/ das sy seind
 zelligen des glaubens. Bey wölichen man nu die werck nit spire
 da können wir bald sagen vnd schließen/sy haben dauon ge/
 hört/ aberes ist nit zu grundt gesunken. Dann wollten vil lygen
 in hochmüt vnd vnkeuschait/ in geiz/ zorn/ vnd wilt vil vom
 glauben sagen/so wirt sant Paulus kommen vnd sagen. Hö/
 ru lieber/das reich gottes steet nit in worten/ sonder in thaten.
 Es will leben vnd thün lassen/vnd nichts schweben. Also auf
 beyden seyten schnallen wir. Wan man sagt/man muß allain
 glauben/ so will man die werck vnd frucht nachlassen. Predi
 get man vß den wercke/ so wollen wir dann vns auff die werck
 trösten. Darumb so myessen wir nu den mittelweg einher gon/
 der glaub muß allain frum vnd selig machen. Aber das du wiß/
 sest das der glaub recht sey/so müstu in auch beweyssen mit wer
 cken. Gott wirt dein spiegel fechten nit leyden/ darumb hatt er
 dir ain predig dartzu gestöllet/die die werck preysen/ die seind al
 lain ain zelig das du glaubest/ vnd seind nu/ wenn sy dahin geen
 frey vnd vmb sunst. Das muß man nu treyben das manns ge/
 won/darumb hatt er auch die werck so einfieren lassen. Als solt
 er sagen. Wenn jr glaubt/so habt jr den hymel. Aber dannoch
 das jr euch nit betriegt/so thünd die werck. Das hat auch seyn
 angezaygt der her Johannis. 12. Das ist mein befehl/ das jr
 euch liebt vnder ainander/ darynn würdt yederman erkennen/

das jr mein Jünger seind / so jr euch vnder ainander lieb habe
wie ich euch geliebt hab. Ich hab euch ain exempel geben/wie
ich euch thut/das jr auch ainer dem anderen also thut. Als solt er
sagen. Jr seind mein freünd/aber das werden die leut nu nit er
kennen an ewer glauben/ sonder wenn jr die frucht erzaygt vñ
heraus brieht in die lieb/die frucht werden euch nit selig mach
en vñ zu meinen freünden/sonder sy myessens beweysen. Dar
umb möcht nu das wol/der glaub macht allain frum. Aber die
weyl der in mir verborren ligt/vñ ist ain groß leben/ain groß
ser schatz/so myessen die werck herfür dringen/vñ den glauben
bezeugen/vñ gottes genad preysen/menschen werck verdam
men/muß die augen nider schlagen/ das du den nechsten mit
dienstauch hertzü bringest. Darumb laßt dich gott auch leben/
sonst myest man dir bald den kopff abreyssen. Das secht jr nun
an den frummen menschen auch fast wol/ da finden jr zwey ge
richt. Den grundt hapt jr/das der glaub verborren ist/ den füle
er/da bricht er nu heraus/mit dem thut er mit der demüt das er
die augen nider schlecht vñ gott preysset/da dient er mir mit/
das ich kan sagen/wenn ich in sünden steck/ Sich der zoller was
auch ain sünd/nu spricht er. Gott sey mir gnedig vñ barm/
herzig/da wird ich mit gespeysst/auff das/wenn ich ain mal
mein sünd syhe/so bild ich mir für sein exempel/ speys vñ neer
mich auch/mit dz ich auch sprich. Ach got/da sych ich an dem
Zoller/das du gnedig bist den armen sündern/den glauben be
helle er jm/außwendig die frucht taylt er mit. So gett er in der
rechten ban, vñ ist gerechtfortigt zweyfeltig. Ain mal durch
den glauben gegen gott/das anndermal durch das werck gegen
mir. Da gibet er gott sein eer/vñ bezalet in durch den glauben/
dz er in preysset. Mir thut er auch die pflicht mit liebe/gibet mir
die wort ins maul hinein/wie ich bitten soll. Da hatt er nu be
zalet alles Got vñ mich/da bringet in der glaub zu. Trug aber
jm was nun abhayscht/ das ist nun ain person. Das gaystlich
gericht ist nun/ das ich den Zoller hab gericht nach dem glau
ben/ nach dem flaysch ist er laynnig. Dann der gleyßner geet

daher/ vnd achtee sein nitte/ er siche in nit an/ siche seinen glan-
 ben nit/ lasse in dahinden steen/ siche in allain an nach den sün-
 den/ vnd wayste nitte das Gott den yezund angesehen vnd kere
 hat vnd gebessert. Also wenn ain flayschlicher man ainen sün-
 dernach den sünden vitaylen will/ so muß er felen/ es ist nicht
 möglich. Tu wöllen wir den namen auch ansehen/ da seind die
 aller schönsten werck. Zum ersten dancke er gott/ fast zweymal
 in der woche/ vnd dannoch gott zu eeren/ nit sanct Nicolaus.
 Gibt den zehend von allen seinen gütern/ vnd hatte auch kein
 Le gebrochen/ hatt auch nyemandt kaynen gewalle thon/ das
 sein genömen/ also hatt er sich gehalten. Ist das nit ain schön
 erbar leben/ so nympts mich wunder. Es hett in werlich nye-
 mandt können schelten nach der welt/ ja man hett in myessen
 loben/ ja er thut es selbs. Da falle nu gott daher zum ersten vnd
 sage/ das alle des werck gottes lesterung seind. Her gott behüte
 wie ist das ain vitayl. Da möchten sich Tannen vnd Pfaffen
 erbidmen biß ins marck hinein/ der ist doch kainer nit halb als
 frum als der ist. Wolt gott/ das wir der gleyßner yez vil hetten
 Tu was felt im & Nichts meer dann das er nit sein aygen hertz
 erkannt. Da hapt jr/ das wir selbs vns die größten feynd seind/
 die wir vns zuehän die augen vnd das hertz/ dan wie er sich füle
 so sagt er. Dann wenn ich nyemandt fragen solt/ lieber mayn-
 stus auch also wie du sagst & so schwör er ainen ayd es wer nit
 anders. Sehend/ wie gots schwer so tyeff schneydt vnd geet zu
 grund der seelen/ es muß hye alles zu diuimmern gon/ oder ganz
 zu boden fallen/ vnnnd sich diemietigen/ sunst kan nichts beston
 vor gott. Also muß die frum fraw nider fallen/ vnnnd der ergsten
 hären die füeß küssen/ Ja die füeß stropffen. Tu wöllen wir
 sehen. Der Zoller steet da vnd diemietiget sich/ sagt von kain
 fassen von nichts nit. Aber er sagt dannoch das des sünd nitte
 so groß seind als des gleyßners sünd/ Trug da. das sich nun yez
 mant erhebe vber den minste sündner. Zaig ich mich aines fingers
 brayt vber den nechsten oder vber den ergsten sündner/ so bin ich
 bin vnd geworffen/ so hat d zölner sein gatz lebtag nit so vil vñ

so grosse sünd thun als der hye thut/ da er sagt. Ich danck dir
 lieber heri/ das ich nitt also bin wie die anderen/ vnd leig das
 der hymmel mochte krachen. Da hort jr kein wort/ Gott sey mir
 gnedig. Da ist vergessen Gottes barmhertzigkeit/ sanfftmu-
 tigkeit vnd liebe/ dann gott ist nitt anders wenn eytel lautter
 barmhertzigkeit/ vnd wer das nicht sieht/ der halt darfür das
 kein got sey/ wie der Psalm/ Dixit insipiens in corde suo/ non
 est deus. Der gottloß spricht in seinem herten/ es sey kein Gott
 Also ist es ain ding vmb ainem vnglaubigen mensche/ der sich
 nit erkennt. Darumb sag ich noch ains/ wenn er gleych die erg-
 sten sünd gethon hett/hett Junckfrawen geschende/ so were es
 doch nit so arg gewest/ als das er sagt/ Ich danck dir lieber herr
 Ja ja so hö ich wol du darfst gottes nicht/ verachteß sein güt-
 eigkeit/barmhertzigkeit/ liebe/ vnd alles was er ist. Secht/ das
 seind sünd. Darumb ist es nichts vmb die offentliche sünd/ son-
 der der vnglaub der im herten ist/ den wir nitt sehen/ der ist die
 recht sünd/ in wölllicher Münd vnd Psaffen einher geen/ das
 verloren verderbt vch/ das steckt in der sünd byß über die oren.
 Weytter/ da er nu gott gelesert hatt/ vñ muß jm liegen in dem
 das er nitt ain sündler sein will/ da salt er hyn vnd thut auch wi-
 der des nechsten lieb/ da seind alle gebott auffgehoben/ dann er
 verleßnet gott/ dem nechsten thut er auch nichts güts/ damit
 er ist zu dümmer gangen/ das er nitt ainen buchstaben erfüllet
 hatt des gesatzs. Denn hett er also gesagt. Ach gott wir seind all
 zumal sündler/ der arm sündler hye auch ainer ist/ wie die andern
 vnd hett sich nit hinein gezogen in ain gemain lügen vnd ge-
 sagt/ Ach Gott biß vns gnedig/ so hett er gottes gebott erfüllet
 das erst. Darnach hett er gesagt. Ach Got ich sich das er ain sün-
 der ist/ steckt dem Teuffel im rachen/ vnd hett in also genömen
 auff den rucken/ vnd für Gott bracht/ vnd Gott für in gebetten
 so hett er das annder gebott auch erfüllet von der Chrißlichen
 lieb/ wie Paulus sagt vnd leeret/ Alter alterius onera portate.
 Nun kumpt er her vnd lobt sich selbs/ er sey gerecht/ das ist ain
 gyltig böß hertz. Darnach steckt er also voll hass/ des nechsten/

Das wenn im Gott das gericht gebe/ so steyß er in am tyeßten
 in die hell hynein. Secht/ist das nit ain böß hertz vnd grüßlich
 das ich woltte alle menschen zum Teüßel fieren / allain das ich
 gepreyßt wurd. Noch ist es also feyn geblüemet vnnnd getziert
 mitt dem eüßerlichen wandel/ das es nyemandes straffen kan.
 Das ist nu das man auß den fruchten erkennet den baum. Dañ
 wenn ich mit gaystlichen augen sein hertz an syh/so erkenn ich
 das es voll Gottes lesterung steckt/ vnd haßz des nechsten. Auß
 denen fruchten erkenn ich das der baum böß sey/die werck wa-
 ren ann in selbs nitt böß / sonder die böß wurzel im hertzen die
 macht das. Darumb seynd die frucht nun auch böß/vnd vnns
 da fürgebildet/das wir vns daruo: hüetten. Nun widerumb
 auff ihener seyten sehe man ihnen auch ins hertz/ da finden
 jr das er gläubig ist/darnach seind die werck auch güet/vnd die
 nen der gangen welt/ dann er lernet das man sich diemietigen
 soll/vnd Gott preysen. Widerumb/der machet mit seinen wer-
 cken auffgeblasen vnd hochfertig hayligen/ dann er steckt inn
 sünden/die seel ist verdampft/steckt dem teüßel in dem rachen/
 Vnd der hochmütig büß duert daher vnd ryempt sich/ darumb
 das er ain sündler ist. Summa summarum/er verführt die gan-
 zen welt mit seynem gleyßenden leben. Also muß man nun ris-
 chten die frucht mit gaystlichen augen/ wie ich yezund die ge-
 richt hab. So erkennt man den baum. Nun wahrer hab ich das
 gericht. Da her. Got hat mir sein gebott geben wie ainen spie-
 gel/darynn syhe ich was frumm vnd böß sey. Das spricht. Lieb
 Gott deinen herren auß gangem deinem hertzen/ vnnnd deinen
 nechsten als dich selbs. Nun des Zöllers werck preysen Gott/
 vnnnd dienen aller welle/dann sy lernen vns zu erkennen/vnd den
 weg zum haylande gottes/darumb seind sy güet denen die prey-
 ßen Gott / vnnnd geend dem nechsten zu nutz. Widerumb/der
 gleyßner geet da her vnd löstert Gott/vnd verführt mitt seinem
 giftigen leben die gangen welle. Hye solt ich auch sagen von
 dem grossen vnnnd schedlichen laster der affterloßeren / so ayner
 den annderen verleümpet/richt jn auß vnd verspricht jn/ so wir

doch alle gleych seind/vnnb Layner vrsach hab/das er sich vber
den anderen erhebt. Aber das nu die oberkeit die sünd straff vnd
richtet/das thut sy auß dem ampt. Dann das schwerdt brauche
man dartzu, das man die sünd vngerüewig mache. Dann got
will die sünd nit leyden/vnd will das sy kein rñw haben sollen
Wie der Esaias sagt. Non est par impijs. Darumb wa er nit
ynnwendig vnrñw macht den sünden/so will er doch die sünd
discken mit wasser vnd sewer/das sy kein rñ haben sollen

Also sollen die Burgermayster nu dencken wenn sy
die sünd richtet. Ach got wie wol ich selbs ain
armer sündler bin/vnd vil grösser dann der
vnd vil ain grösserer dieb dann der/so
will ich doch meynes amptes
pflegen/vnd im nit rñw
lassen in seinẽ sünden
vñ darauff also
zu schmeys-
sen.

